

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017040 22 V

Novi Travnik, 29.08.2022. godine

Kantonalni sud u Novom Travniku, sudija Alma Islamović u vanparničnom predmetu Š. Š. rođene S., kći S. iz ..., Općina T., ulica ..., zastupana po punomoćniku Nevzetu Mulić, advokatu iz Travnika, ulica Bosanska broj 127., protiv protivpredlagatelja R. Š., sin E., iz ..., ..., Općina T., radi priznanja strane sudske odluke o razvodu braka, dana 29.08.2022. godine, donio je slijedeće:

RJEŠENJE

Priznaje se presuda o razvodu braka Općinskog suda Nürnberg, Odjeljenje za predmete porodičnog prava Savezna Republika Njemačka, broj spisa: 112 F 1378/20 od 01.12.2020. godine, koja je pravosnažna od 07.04.2021. godine u 1 (prvom) stavu izreke kojom se razvodi brak vanparničnih stranaka sklopljen dana 14.09.2017. godine u matičnom uredu grada Nürnberg (upisan u matičnu knjigu vjenčanih pod brojem E 1730/2017), između predlagateljice Š. Š., rođena ... godine u N., S. R. Nj. i protivpredlagatelja R. Š., rođen ... godine u T., Bi H., a koji brak je upisan u Matičnoj knjizi vjenčanih koja se vodi za mjesto ..., Općina T., pod rednim brojem ... za 2017. godinu.

Troškove postupka snosi predlagateljica.

Obrazloženje

Predlagateljica je putem punomoćnika Nevzeta Mulić, advokata iz Travnika, neposredno ovom sudu dana 29.08.2022. godine podnijela pismeni prijedlog za priznanje strane sudske odluke o razvodu braka, Općinskog suda Nürnberg, Odjeljenje za predmete porodičnog prava Savezna Republika Njemačka, broj spisa: 112 F 1378/20 od 01.12.2020. godine, koja je pravosnažna od 07.04.2021. godine, a kojom je razveden brak između vanparničnih stranaka. Predlagateljica je uz prijedlog priložila stranu sudsku odluku čije se priznanje traži, prijevod strane sudske odluke od ovlaštenog sudskog tumača za njemački jezik sa područja BiH, izvod iz Matične knjige vjenčanih izdat od Matičnog ureda Općine Travnik, broj: 03-12-201-2402/17 od 13.10.2017. godine, kopija lične karte za predlagateljicu, original punomoć za zastupanje izdata od strane predlagateljice kao vlastodavca iste i dokaz o uplati sudske takse - uplatnicu u iznosu od 200,00 KM.

Ocjenjujući osnovanost prijedloga za priznanje strane sudske odluke o razvodu braka ovaj sud je utvrdio kako se radi o stranoj sudskoj odluci o razvodu braka između državljanina BiH i S.R. Nj. kojom odlukom je razveden brak vanparničnih stranaka sklopljen dana godine u Matičnom uredu grada Nürnberg (upisan u Matičnu knjigu vjenčanih pod brojem ...), da je odluka čije se priznanje traži u prvom stavu izreke pravosnažna od 07.04.2021. godine, da su u postupku razvoda braka sudjelovale obje stranke, da odluka nije protivna odredbama

Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak.

Obzirom na činjenicu da je brak između vanparničnih stranaka sklopljen dana 14.09.2017. godine u Matičnom uredu grada Nürnberg (upisan u matičnu knjigu vjenčanih pod brojem E 1730/2017) i isti upisan u matičnoj knjizi vjenčanih koja se vodi za mjesto ... Općina T., pod rednim brojem ... za 2017. godinu, to je očigledno da predlagateljica ima pravni interes da se nastala statusna promjena upiše kod nadležnog matičnog ureda u Bosni i Hercegovini, zbog čega je ovaj sud zaključio da je prijedlog osnovan.

Imajući u vidu sve naprijed navedeno ovaj sud je stajališta kako su ispunjeni uvjeti za udovoljenje po prijedlogu za priznanje strane sudske odluke i odlučio je kao u izreci ovog rješenja u skladu sa odredbama članova od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ", broj 43/82, 72/82, "Službeni list R BiH", broj 02/92), koji Zakon je preuzet kao republički, a potom kao federalni i koji se primjenjuje u skladu sa članom 458. Zakona o parničnom postupku („Službene novine F BiH“, broj 53/03, 73/05, 19/06 i 98/15) i članom 28. stav 3. tačka e) Zakona o sudovima u Federaciji Bosne i Hercegovine ("Službene novine F BiH", broj 38/05).

Na temelju Tarifnog broja 1. tačka 10. i Tarifnog broja 2. stav 1., koji je sastavni dio Zakona o sudskim taksama SBK/KSB ("Službene novine Srednjobosanskog kantona/Kantona Središnja Bosna", broj 4/2017 i 15/2020), predlagateljica je dana 29.08.2022. godine uplatila sudsku taksu u iznosu od 200,00 KM (dvije stotine konvertibilnih maraka).

Sudija
Alma Islamović